

四庫全書

史部

欽定四庫全書

政和五禮新儀卷二百

嘉禮

關

政和五禮新儀卷二百

欽定四庫全書

政和五禮新儀卷二百一

嘉禮

垂拱殿曲宴儀

陳設

曲宴

陳設

前期殿中監帥其局尚舍張設垂拱殿門之內設御座

於殿上當中南向尚醞設御酒尊酒器於御座之東稍北尚食設御茶牀於御座之西稍北有司設羣官酒尊酒器於殿下又設羣官座三公三少左輔右弼太宰少宰在御座之東稍南知樞密院事門下中書侍郎尚書左右丞同知簽書樞密院事在其東次觀文殿大學士太子三少觀文殿學士資政殿大學士六曹尚書翰林學士資政端明殿學士閣學士左右散騎常侍

三少以下稍却

尚書以下又稍却

次開封尹六曹侍郎直學士又在東太子三

師在右丞之南侍御史大夫在散騎常侍之南中丞在直學士之南各少空並面向北上親王使相在御座之西稍南

使相稍却

次太尉次節度使次節度觀察留後觀察

使又在其西並東向北上

宗室在令官之上管軍觀察以上不坐者為管軍節度使

開宴即坐

曲宴

皇帝視事畢東上閣門進呈坐圖訖舍人奏閣門無公事皇帝降座鳴鞭入殿後閣諸司排當備東上閣門附

內侍奏班齊皇帝出閣禁衛諸班親從迎駕奏聖躬萬
福皇帝升御座鳴鞭殿中監以下知同知入內侍省
事知客省事以下知內侍省事以下帶御器械官六尚
局應奉官祇應武功大夫以下祇應諸司文臣鬪班各
奏聖躬萬福訖各侍立祇應位次管軍臣僚奏聖躬萬
福訖殿下侍立次分引三公至直學士以上親王使相
至觀察使以上分東西入詣殿庭橫行北向立定班首
奏聖躬萬福舍人贊各就座再拜訖分引詣東西階升

殿席前相向立次教坊使以下常起居次看璣人謝升
殿次內侍進御茶牀殿侍酌酒訖東上閣門官詣御座
前躬奏班首姓名以下進酒舍人分引殿上臣僚橫行
北向贊再拜舍人引班首稍前東上閣門官接引詣御
座東北向尚醞典御奉盤璣授班首奉御啟璣班首西
向立奉御以酒注於璣班首奉酒詣御座前躬進訖少
退虛跪興以盤授典御東上閣門官引退舍人接引復
位贊再拜舍人引班首稍前殿上臣僚席前相向立東

上閣門官接引詣御座東北向典御授盤俸詣御座前
西向立樂作皇帝飲訖舍人分引殿上臣僚橫行北向
東上閣門官引班首接踐訖少退虛跪興授典御引退
舍人接引復贊再拜舍人贊贊各賜酒羣官俱再拜贊
各就座羣官皆立席後復贊就座羣官俱坐酒初行羣
官受酒次宰臣次百官皆作樂

後准此

尚食典御奉御進食

太官令設羣官食酒五行若宣示踐即隨所向東上閣
門官揖稱宣示踐躬贊就座若宣勸即立席後躬飲訖

贊再拜內侍舉御茶牀舍人引班首以下降階橫行北
向再拜分班出次教坊使以下謝祇應再拜如賜祇應
臣僚茶酒並舍人逐班贊再拜東上閣門官側奏無事
皇帝降座鳴鞭侍衛還如來儀

政和五禮新儀卷二百一

欽定四庫全書

政和五禮新儀卷二百二

嘉禮

上巳重陽賜宴儀

陳設

賜宴

陳設

應與宴官宰臣至侍制管軍臣僚在瓊林苑親王宗室

及通侍大夫以下知客省事以下武功大夫至武翼郎
在端聖園門下中書後省起居郎以下尚書左右司郎
官秘書省官尚書六曹諸司郎中殿中少監寺監長貳
御史兩院御史大理寺正丞評事司直開封府少尹在
玉津園節度使至正任刺史駙馬都尉在宜春苑入內
內侍兩省知省至簽書省事勾當皇城司及帶御器械
官并在內當宿武功大夫至武翼郎在皇城司皆前期
儀鸞司陳設宴所設中使及與宴官次於門內

賜宴

其日與宴官以下並赴宴所就次諸司排當備與宴官以下詣庭中望闕位立定次中使詣班首之左稍前立中使宣曰有勅在位官皆再拜訖中使宣曰賜卿等御筵在位官皆再拜搢笏舞蹈又再拜叩使退與宴官分東西升階就座酒行樂作飲訖食畢樂止酒五行與宴官並興就次賜花有差少頃戴花訖與宴官詣望闕位立定謝花再拜訖分東西升階就座酒行樂作飲訖食

畢樂止酒四行訖退

政和五禮新儀卷二百二

欽定四庫全書

政和五禮新儀卷二百三

嘉禮

辟雖賜聞喜宴儀

陳設

賜宴

陳設

前期儀鸞司陳設辟廱精義閣下及東西兩廊設中使

及押宴官以下次於學門內訖押宴官以下釋褐貢士
座於精義閣下及東西兩廊

釋褐貢士
序位以齒

大晟設特架於
庭

賜宴

其日押宴官以下及釋褐貢士並赴辟雖就次諸司排
當脩押宴官以下及釋褐貢士班首初入門正安之樂
作至庭中望闕位立定樂止與宴官就位再拜訖

押宴
官西

立向中使詣班首前稍東西向立中使宣曰有勅在位者

皆再拜訖中使宣曰賜卿等聞喜宴在位皆再拜搢笏

舞蹈又再拜次引押宴官稍前謝坐再拜在位者皆再

拜

若賜勅書即引貢士班首稍前立定中使詣班首前西向立宣曰有勅貢士再拜中使宣曰賜卿等勅書

班首稍前搢笏跪中使授勅書訖少退班首執笏以勅書加於笏上俛伏興歸位再拜在位者皆再拜與

宴官分東西升階就座酒初行賓興賢能之樂作飲訖

食畢樂止酒再行於樂辟離之樂作酒三行樂育人材

之樂作酒四行樂且有儀之樂作酒五行正安之樂作

再座酒行樂作節次並如上儀唯不作正安之樂皆飲訖食畢樂止押宴官以

下俱興就次賜花有差少頃戴花訖次引押宴官以下
並釋褐貢士詣庭中望闕位立定謝花再拜分東西升
階就座酒行樂作訖食畢樂止酒四行訖退次日與宴
官及釋褐貢士入謝如常儀

政和五禮新儀卷二百三

欽定四庫全書

政和五禮新儀卷二百四

嘉禮

節日賜飲食儀

前期執事者設中使次於大門外道西南向望闕設受
賜褥位於庭又設香案於位前其日中使至親王大門
外掌次者延入次親王常服出詣庭中望闕褥位立定
直省官引中使入中門執事者二人對捧賜從入中使

立於親王之右宣曰有勅親王再拜訖躬身中使又宣
曰某節賜卿某物若干親王搢笏跪執事者捧賜物少
前親王受訖執事者以賜物過親王執笏俛伏興又再
拜親王搢笏以謝表授中使中使搢笏受表各執笏親
王與中使相見如常儀中使退持表以聞

政和五禮新儀卷二百四

欽定四庫全書

政和五禮新儀卷二百五

嘉禮

賜脤膾儀

皇帝親祠畢命中使賜胙於親王前期執事者設中使
次於大門外道西南向望闕設受賜褥位於庭又設香
案於位前其日中使至親王大門外掌次者延入次親
王常服出詣庭中望闕位立定直省官引中使入中門

執事者二人對捧胙肉案從入中使立於親王之右宣
曰有勅親王再拜訖躬身中使又宣曰某祀畢皇帝命
賜卿胙親王搢笏跪執事者捧胙肉案少前親王受執
事者以胙肉案過親王執笏俛伏興再拜親王搢笏以
謝表授中使中使搢笏受表各執笏親王與中使相見
如常儀中使退持表以聞

政和五禮新儀卷二百五

欽定四庫全書

政和五禮新儀卷二百六

嘉禮

紫宸殿賀祥瑞儀

垂拱殿皇帝將出宮讀奏目官在殿之南宣贊引班對
立舍人在其南簿書官在舍人之西少絕覺察失儀提
點使臣在其南俱北向

舍人以西為上簿
書官以東為上

宣贊舍人立

班前西東上閣門附內侍進班齊牌皇帝出守宮踏道

行門禁衛諸班親從迎駕自贊常起居訖又自贊賀再

拜訖皇帝服鞞袍坐鳴鞭讀奏目官以下起居訖

讀奏目官

升降自東階

班首出班致辭稱賀歸位再拜

如宣答又再拜

次知內

侍省官

帶御器械官公服蹕笏綴內侍班

次管勾臣僚各逐班先面西

立俟班到橫行贊起居稱賀並如上儀次行門起居稱

賀再拜訖俟舍人南階下直身奏班絕皇帝降座鳴鞭

詣紫宸殿後幄排立諸班親從迎賀常起居初垂拱殿

起居稱賀班將畢紫宸殿樞密以下大班入就位知同

知僉書樞密院事在儀石之南北向東上知同知入內
內侍省事在知樞密院事之東南知客省事至知西上
閣門事在其南次僉書客省事至僉書西上閣門次閣
門通事舍人次閣門祇候次看班祇候又在其南內符
寶郎在僉書客省事之西六尚局官勾官在同知入內
內侍省事之東典御在其南奉御又在其南通事中侍
中衛左武大夫在知樞密院事之南稍東中亮拱衛左
武郎左武大夫之東稍却每等重行異位並北向西上

觀文殿大學士次資政殿大學士翰林學士承旨翰林

學士次宣政端明殿學士閣學士在僉書樞密院事之

西南

觀文殿學士以下稍却翰林學士承旨以下又稍却

直學士在其南

與知入內內侍

省事班齊

侍制又在其南樞密都承旨直學士之西承旨

在其南次副都承旨諸房逐房副承旨又在其南正侍

中亮拱衛右武大夫在僉書樞密院事之南稍西中衛

右武郎在右武大夫之西稍却每等重行異位並東向

北上武功大夫在六尚局管勾官之東武功郎在其東

次敦武郎次從義忠訓成忠郎又在其東和安大夫至翰林良醫在武功大夫之南少絕和安郎至翰林醫正在其東每等重行異位並西向北上武德大夫至武翼大夫在樞密都承旨之西武德郎至武翼郎在其西次修武郎次秉義忠翊保義郎又在其西每等重行異位並東向北上翰林醫官醫學在殿庭南稍東西上翰林侍詔藝學在殿庭南稍西東上皆北向

視看班祇候少却

宣贊

舍人在班前西向對立舍人在班前東向東上閣門附

內侍進班齊牌皇帝御紫宸殿坐鳴鞭舍人揖樞密以下躬赴當殿通某官姓名以下起居稱賀復位贊樞密以下再拜搢笏舞蹈又再拜班首奏聖躬萬福又再拜班首出班致詞稱賀復位又再拜搢笏舞蹈又再拜知東上閣門官當殿北向承旨訖西向稱有制樞密以下再拜宣答訖又再拜搢笏舞蹈又再拜訖再鳴鞭樞密直學士自西階升殿侍立知引進司東上閣門官以下殿庭東西向侍立餘官分班以次出

宣贊舍人退近南
當庭中立對立舍

人兩出

文武百僚及諸軍將校殿門外序班立定知引進

司東上閤門官以下退立東階下殿中侍御史一員先

入就位次兩省次上將軍以下分班入次舍人分引三

公以下文武百僚入殿庭東西相向

將被排立列不盡者止殿門外立班

舍人揖班首以下躬宣贊舍人當殿通文武百僚宰臣

三公通某官

姓名以下起居稱賀舍人引班首以下橫行北

向

兩省上將軍以下依舊立

三公三少左輔右弼在儀石之北稍東

太宰少宰在其南次尚書左右丞次特進次六曹尚書

至光祿大夫次六曹侍郎開封尹至大司成

開封尹以下稍空

次太常卿至中大夫次殿中少監至中散大夫次七寺

少卿至奉直大夫次尚書左右司員外郎至朝奉大夫

次六曹諸司員外至朝奉郎次太常丞至承儀郎次開

封知縣至奉議郎次太史局正至通直郎又在其南御

史大夫在光祿大夫之東中丞在其南次侍御史殿中

侍御史監察御史又在其南太子三師在御史大夫之

東

與執政官齊班

太子三少在其南

與尚書班齊

次賓客詹事次左

右庶子以下又在其南每等重行異位並北向西上親

王在儀石之北稍西使相在其南次太尉

與特進班齊

次節

度使次節度觀察晉後次防禦使次團練使次刺史又

在其南每等重行異位並北向東上門下侍郎在右弼

之東稍北左散騎常侍在其東次給事中左諫議大夫

次起居郎左司諫符寶郎左正言又在東左金吾衛左

諸衛上將軍在左散騎常侍之南

左諸衛上將軍稍却

諸大將軍

在其東率府率又在其東每等重行異位並西向北上

中書侍郎在親王之西稍北又散騎常侍在其西次中書舍人右諫議大夫次起居舍人右司諫右正言在其西右金吾衛右諸衛上將軍在右散騎常侍之南

右諸衛上

將軍稍却

諸將軍在其西率府副率又在其西每等重行異

位並東向北上宣贊舍人揖左班近前舍人自班後詣東階下立東上閣門官至通唱位舍人揖班首以下躬東上閣門官贊拜班首出班致詞稱賀復位樞密詣御座前承旨退詣折檻東西向宣贊等拜班首以下再拜並

如上儀訖次東上閣門官揖宰臣執政官升殿

並升自東階內

中書侍郎升自西階
樞密直學士下殿出

贊拜東上閣門官還位立引右班

舍人由右班前出餘官分出次兩省次上將軍以下出

知引進司東上閣門官以下還侍立位宣贊舍人復位

次引奉如儀舍人合班躬奏無事皇帝升座鳴鞭知引

進司官以下並卷班出皇帝復御垂拱殿三省樞密院

及臣僚奏事畢舍人一員立殿門屏東俟班退南階下

直身奏閣門無公事皇帝降座還內

政和五禮新儀卷二百六

欽定四庫全書

史部

政和五禮新儀卷二百二十七至

詳校官編修臣曹錫齡

編修臣程嘉謨覆勘

總校官庶吉士臣何思鈞

校對官主簿臣汪日贊

謄錄監生臣李大綬

欽定四庫全書

政和五禮新儀卷二百七

凶禮

忌辰羣臣進名奉慰儀

忌辰羣臣詣景靈宮儀

忌辰羣臣進名奉慰儀

其日質明文武朔參官俱入詣朝堂就次少頃御史臺
先引殿中侍御史一員入就位次西上閣門御史臺分

引文武朝參官及諸軍將校次禮直官引三公以下至
執政官各就北向立三公左輔在西上閣門南階下稍
東太宰少宰在其南門下中書侍郎尚書左右丞又在
其南特進在門下侍郎之南次六曹尚書至光祿大夫
次六曹侍郎開封尹大司成

開封尹以下
稍空

次太常卿至中

大夫次殿中少監至中散大夫次七寺少卿至奉直大
夫次左右司員外郎至朝奉大夫次六曹諸司員外郎
至朝奉郎次太常丞至承議郎次開封府知縣至奉議

即次太史局正至通直郎又在其南觀文殿大學士學士資政殿大學士翰林院學士承旨翰林學士資政端明殿學士閣學士在光祿大夫之東

觀文殿學士資政殿大學士稍前

士又稍前

直學士在其南待制又在其南御史大夫在閣學

士之東中丞在其南侍御史殿中侍御史監察御史又

在其南左右散騎常侍在御史大夫之東給事中中書

舍人左右諫議大夫在其南起居郎舍人左右司諫符

寶郎左右正言又在其南太子三師在右散騎常侍之

東

與執政
官班齊

太子三少在其南

與常侍
班齊

次賓客詹事次左

右庶子又在其南每等重行異位並北向西上三少

右弼在西上閤門南階下稍西使相在其南知同知僉

書樞密院事又在其南太尉在知樞密院事之南次節

度使次節度觀察留後觀察使次防禦使次團練使次

刺史次武功大夫至武翼大夫次武功郎至武翼郎次

敦武郎次修武郎次諸軍副指揮使以上又在其南左

右金吾衛左右衛諸衛上將軍在節度使之西

諸衛上
將軍稍

却大將軍在其南次將軍以下又在其南知客省事至

知西上閣門事在大將軍之西僉書客省事至僉書西

上閣門事在其南次閣門通事舍人次閣門祇候次看

班祇候又在其南通侍大夫至右武大夫在知西上閣

門事之西中亮郎至右武郎在其南樞密院都承旨

在右武大夫之西

與觀察留後班齊

承旨在其南次副都承旨次

副承旨諸房逐房副承旨又其南和安大夫至翰林良

醫在武翊大夫之西和安郎至翰林醫正在其南每等

重行異位並北向東上知西上閣門官于班前西向立
搢笏執名紙躬三公以下文武百僚俱再拜俟知西上
閣門官執笏置名紙於笏上西上閣門退訖

忌辰羣臣詣景靈宮

羣臣奉慰畢詣景靈宮就次少頃御史臺先引殿中侍
御史一員入就位次西上閣門御史臺分引文武朔參
官及諸軍副指揮使以上次禮直官通事舍人引三公
以下至執政官各就位三公左輔在殿階下稍東太宰

少宰在其南門下中書侍郎尚書左右丞又在其南特
進在左丞之南次六曹尚書至光祿大夫次六曹侍郎
開封尹至大司成

開封尹以下稍空

次太常卿至中大夫次殿

中少監至中散大夫次七寺少卿至奉直大夫次左右
司員外郎至朝奉大夫次六曹諸司員外郎至朝奉郎
次太常丞至承儀郎次開封知縣至奉議郎次太史局
正至通直郎又在其南觀文殿大學士學士資政殿大
學士翰林學士承旨翰林學士資政端明殿學士閣學

士在光祿大夫之東

觀文殿學士資政殿大學士
稍前觀文殿大學士又稍前

直學

士在其南待制又在其南御史大夫在閣學士之東中

丞在其南侍御史殿中侍御史監察御史又在其南

左右散騎常侍在御史大夫之東給事中中書舍人左

右諫議大夫在其南起居郎舍人左右司諫符寶郎左

右正言又在其南太子三師在右散騎常侍之東

與執政官

班齊太子三少在其南

與常侍班齊

次賓客詹事次左右庶子

又在其南每等重行異位並北向西上三少右弼在殿

階下稍西使相在其南知同知僉書樞密事又在其南
太尉在知樞密院事之南次節度觀察留後觀察使次
防禦使次團練使次刺史次武功大夫次武翼大夫次
武功郎武翼郎次敦武功郎次修武郎次諸軍副指揮
使以上又在其南左右金吾衛左右衛諸衛上將軍在
節度使之西

諸位上將
軍稍却

大將軍在其南次將軍以下又

在其南知客省事至知西上閣門事在大將軍之西僉
書客省事至僉書西上閣門事在其南次閣門通事舍

人次閤門祇候次看班祇候又在其南通侍大夫至右武大夫在知西上閤門事之西中亮郎至右武郎在其南樞密都承旨與觀察留承旨在其

後班齊

南次副都承旨次副承旨諸房逐房副承旨又在其南

和安大夫至翰林良醫在武翼大夫之西和安郎至翰

林醫正在其南每等重行異位並北向東上禮直官揖

班首以下再拜訖引班首自東階升殿舍人接引同升

詣香案前搢笏上香跪奠祭訖執笏興降階復位又再

拜次引班首以下分左右搢笏行香宰相執政官分左右行香訖執笏俱復位引班首升詣殿香案前俛伏興跪搢笏執鑪俟讀疏畢執笏俛伏興降階復位又再拜

訖退

天興殿保寧閣行香先當殿再拜訖移班天興殿稍東保寧閣稍西位於後殿並先前殿再拜次詣

後殿如上儀內輝德衍慶坤元殿行香俟本位禮畢次遷位各再拜班首詣香案前搢笏上香執笏復位再拜退訖

政和五禮新儀卷二百七

欽定四庫全書

政和五禮新儀卷二百八

凶禮

賑撫儀

遣使賑撫諸州水旱蟲災

使者將至所在長官預集本州官屬及鄉老等所司先
於長官廳大門外設使者次又於門外設使者位東向
長官以下位北向西上又於庭望闕設長官以下位重

行設使者位於長官之左使者至所司引就次各服公服贊者先引長官以下立於門外位又引使者就位立史二人以案奉詔書立於使者之南贊者曰拜長官以下皆再拜贊者引長官以下以次先入就庭中位史捧詔書案前行使者從之入就庭中位贊者贊使者搢笏取詔書執笏以詔書加於笏上史以案退使者稱有詔贊者曰拜長官以下皆再拜使者宣詔書訖長官以下皆再拜贊者引使者及長官各少前相向俛伏跪搢笏

使者以詔書授長官訖各執笏長官以詔書加於笏上
各俛伏興贊者曰再拜長官以下皆再拜贊者引使者
還次長官以下退

政和五禮新儀卷二百八

欽定四庫全書

政和五禮新儀卷二百九

凶禮

問疾儀

皇帝遣使問諸王以下疾

皇帝遣使問帝姬以下疾

中宮遣使問諸王以下疾

中宮遣使問帝姬以下疾

東宮遣使問諸王以下疾

東宮遣使問帝姬以下疾

皇帝遣使問諸王以下疾

前期有司於受問勞者之第大門外設使者位於受勞問者之左使者至贊者引入次使者及受勞問者皆公服贊者引使者立於門西東向引受勞問者立於門東西向史二人以案奉詔書立於使者之南贊者曰拜受勞問者再拜贊者引受勞問者入就望闕位立史捧詔

書案前行使者從之入就庭中位贊者贊使者搢笏取
詔書執笏加詔書於笏上史以案退使者稱有詔受勞
問者再拜使者宣詔書訖受勞問者又再拜贊者引使
者及受勞問者少前相向各俛伏跪搢笏使者以詔書
授受勞問者訖各執笏受勞問者加詔書於笏上各俛
伏興復位贊者曰拜受勞問者再拜贊者引使者歸次
受勞問者乃入若受勞問者疾未間不能親受則子弟
代受如儀

皇帝遣使問帝姬以下疾

以內給事一人為使者前期有司於受勞問者之第大門外設使者次又於寢庭望闕設受勞問者位使者位於其前少北南向使者至內侍引入次使者服公服女侍引受勞問者朝服出詣望闕位立內侍引使者出次給使二人以案奉詔書前引使者從之入就庭中位內侍贊使者搢笏取詔書執笏加詔書於笏上給使捧案退使者稱有詔內侍曰拜受勞問者再拜宣訖又再拜

女侍進詣使者前受詔書退授受勞問者訖內侍曰拜
受勞問者再拜內使引使者歸次受勞問者乃入若受
勞問者疾未間不能親受則以女侍迎攝受詔書如上
儀以所受詔書詣寢閣授之

中宮遣使問諸王以下疾

以內給事一人為使者前期有司於受勞問者之第大
門外設使者次又於庭中設受勞問位北向使者位南
向使者至贊者引入次使者及受勞問者皆公服贊者

引使者立於門東西向給使二人以案奉令書立於使者之南贊者曰拜受勞問者再拜贊者引受勞問者入就庭中位贊者贊使者搢笏取令書執笏加令書於笏上給使捧案退使者稱有令受勞問者再拜讀訖又再拜贊者引使者及受勞問者少前相向各俛伏跪搢笏使者以令書授受勞問者訖各執笏受勞問者加令書於笏上各俛伏興復位贊者曰拜受勞問者再拜贊者引使者歸次受勞問者乃入若受勞問者疾未間不能

親受則以子弟代受如上儀

中宮遣使問帝姬以下疾

以內給事一人為使者前期有司於受勞問者之第大門外設使者次又於寢庭少北設使者位南向受勞問者北向位使者至內侍引入次使者公服訖女侍引受勞問者朝服出詣庭中位內侍引使者出次給使二人以案奉令書前行使者從之至庭中位內侍贊使者搢笏取令書執笏加令書於笏上給使以案退使者稱有

令書內侍曰拜受勞問者再拜讀訖又再拜女侍進詣使者前授令書退授受勞問者內侍曰拜受勞問者再拜內侍引使者歸次受勞問者乃入若受勞問者疾未間不能親受則以女侍迎攝受令書如上儀以所受令書詣寢閣授之

東宮遣使問諸王以下疾

前期所司於受勞問者之第大門外設使者次又於庭中設受勞問者位西向使者位東向使者至贊者引入

次使者及受勞問者皆公服贊者引使者立於門西東
向引受勞問者立於門東西向史二人以案奉令書立
於使者之南贊者曰拜受勞問者再拜贊者引受勞問
者入就庭中位立史奉令書案前行使者從之入就庭
中位贊者贊使者揖笏取令書執笏加令書於笏上使
史以案退使者稱有令贊者曰拜受勞問者再拜讀訖
受勞問者又再拜贊者引使者及受勞問者少前相向
各俛伏跪揖笏使者以令書授受勞問者訖各執笏受

勞問者加令書於笏上各俛伏興復位贊者曰拜受勞問者再拜贊者引使者歸次受勞問者乃入若受勞問者疾未間不能親受則子弟代如上儀

東宮遣使問帝姬以下疾

以內給事一人為使者前期有司於受勞問者之第大門外設使者次又於寢庭西階下設使者位東向受勞問者位西向使者至內侍引入次使者公服訖女侍引受勞問者朝服出詣庭中位立內侍引使者出次給使

二人以案奉令書前行使者從之至庭中位內侍贊者
使搢笏取令書執笏加令書於笏上給使以案退使者
稱有令內侍曰拜受勞問者再拜讀訖又再拜女侍進
詣使者前受令書退授受勞問者訖內侍曰拜受勞問
者再拜內侍引使者歸次受勞問者乃入若受勞問者
疾未間不能親受則以女侍迎攝受令書如上儀以所
受令書詣寢閣授之

其皇太子於詣王帝姬疾從家人
親屬之禮遣近侍勞問則受勞問

者侍之亦從家人之禮不
行迎拜送與授受之儀

政和五禮新儀卷二百九

欽定四庫全書

政和五禮新儀卷二百十

凶禮

訃奏儀

皇帝為諸王以下喪舉哀

皇帝為大遼國喪舉哀

皇帝為蕃國喪舉哀

皇帝為諸王以下喪舉哀

訃奏命太史擇日舉哀前一日尚舍奉御於後苑正北偏西土地設御幄南向周以簾帷其日皇帝常服乘輿詣幄降輿侍衛警蹕如常儀皇帝至御幄南向坐簾降俟時文武朔參官以上並赴崇政殿門外立班

以俟進名奉慰

至時皇帝釋常服服素服禮直官太常博士引鴻臚卿當御幄簾前俛伏跪奏鴻臚卿臣某言請皇帝為某官

封某薨

若婦人稱某人某氏若大臣稱某官封姓名

舉哀奏訖俛伏興又奏

請舉哀皇帝舉哭十五舉音又奏請可止皇帝哭止禮

直官太常博士鴻臚卿復位立並退文武百僚進名奉慰訖皇帝釋素服常服乘輿還內如常儀

皇帝為大遼國喪舉哀

訃奏命太史擇日舉哀前一日尚舍奉御於內東門貯廊北設御幄周以簾帷其日皇帝常服乘輿詣幄降輿侍衛警蹕如常儀皇帝至御幄南向坐簾降俟時文武朔參官以上並赴西上閣門立班

以俟進名奉慰

至時皇帝釋

常服服素服禮直官太常博士引鴻臚卿當御座前俛

伏跪奏鴻臚卿臣某言請皇帝為北朝北主凶訃至舉

哀奏訖俛伏興又奏請舉哀皇帝舉哭五舉音

向其國而哭之

又奏請可止皇帝哭止禮直官太常博士鴻臚卿復位
西向立文武百僚進名奉慰訖皇帝釋素服服常服乘
輿還內如常儀

皇帝為蕃國喪舉哀

訃奏命太史擇日舉哀前一日尚舍奉御於內東門貯
廊北設御幄周以簾帷其日皇帝常服乘輿詣幄降輿

侍衛警蹕如常儀皇帝至御幄南向坐簾降俟時文武

朔參官以上並赴西上閣門立班

以俟進
名奉慰

至時皇帝釋

常服服素服禮直官太常博士引鴻臚卿當御座前俛

伏跪奏鴻臚卿臣某言請皇帝為某國主姓名薨舉哀

奏訖俛伏興又奏請皇帝舉哭五舉音

向其國
而哭之

又奏請

可止皇帝哭止禮直官太常博士鴻臚卿復位西面立

並退文武百僚進名奉慰訖皇帝釋素服服常服乘輿

還內如常儀

政和五禮新儀卷二百十

欽定四庫全書

政和五禮新儀卷二百十一

凶禮

臨奠吊喪儀

皇帝臨奠諸王以下喪

皇帝遣使吊諸王以下喪

皇帝遣使奠諸王以下喪

會喪儀

皇帝遣百僚會喪

皇帝臨奠諸王以下喪

訃奏命太史擇日臨奠前一日尚舍奉御於受奠者之
第大廳中間設御幄周以簾帷有司於大門之外設從
駕臣僚次其日質明皇帝常服出東內門文武從駕臣
僚及侍衛應奉人起居如常儀尚輦奉御奉輦稍前典
御進輦皇帝乘輦以出侍衛警蹕如常儀

不由宣德門
餘皆臨時取

旨將至主人服纓免經去杖哭出於門外立班

如未成
服則着

帽收髮皂衫紫帽帶

望見乘輿止哭迎駕起居

本家人各從其後

舍人贊

拜主人以下皆再拜訖退

俟宣乃入

從駕臣僚至門外退就

次皇帝至御幄降輦步至靈座前

婦人線服起居於堂西階下

三上

香三奠酒訖退歸幄南向坐宣主人入立於階下北面

宣問賜賻贈訖

無男子者遣內侍宣問本家婦人之長者

舍人贊拜主人皆

再拜訖退出門外立班拜送奉御奉輦稍前典御進輦

皇帝乘輦還內如常儀

有陳乞者皆即時附表以聞

皇帝遣使弔諸王以下喪

前期所司於受弔者之第大門外設使者次使者至贊者引入次內外縗服贊者引受弔者以下降立哭於東階下婦人立哭於殯所使者常服出次於門外西向立史二人以案奉詔書立於使者之側贊者引受弔者免經去杖出門止哭迎使者大門外見訖先入庭下望闕立史二人捧詔書案前行者贊引使者從入內外止哭使者詣庭下少北向立史以案進使者搢笏詔書加於笏上史以案退使者少進於受弔者前稱有詔弔受弔

者舉哭再拜稽顙內外皆哭贊者引受弔者進詣使者
前跪受詔書興復位贊者引使者歸次受弔者以詔書
授執事者舉哭拜送使者於大門外使者還贊者引受
弔者杖哭而入升堂取詔書奠於柩前若致賻或贈如
受弔書之儀

皇帝遣使奠諸王以下喪

前期所司於受奠者之第大門外設使者次使者至贊
者引入次內外縗服贊者引主人以下降立哭於東階

下婦人升立哭於柩之右使者常服出次立於大門外
有司陳饌於柩前贊者引主人去杖出中門止哭於大
門外迎見使者訖先入立於門右贊者引使者入內外
止哭使者升自東階立柩前之右贊者引主人升自西
階立當使者前使者以饌奠酒訖曰某官封謚將歸幽
宅詔使某奠

有祭文則
贊者宣讀

主人降階間北面舉哭再拜稽

顙內外俱哭主人退哭於東階下贊者引使者出從者
從出主人止哭拜送使者於大門外使者還主人杖哭

而入

會喪儀

皇帝遣百僚會喪

前期一日所司於主人第大門右量地之宜設百官

朔參

官以

會弔者次其日先於主人寢庭設百官位重行應

會弔者集於門外次各常服贊者以次引入就位立定
贊者曰可哭百官在位者皆哭十五舉音贊者曰可止
百官在位皆止哭贊者引為首一員升詣主人前展慰

訖贊者引降出諸在位者以次而出

應致恭者皆再拜而出

會葬

如會喪之儀

政和五禮新儀卷二百十一

欽定四庫全書

政和五禮新儀卷二百十二

凶禮

中宮為諸王以下喪舉哀儀

中宮為祖父母成服儀

中宮遣使弔諸王以下喪儀

中宮為諸王以下喪舉哀儀

訃奏至命太史擇日舉哀前一日有司於舉哀所設次

周以簾帷又設內外命婦次隨地之宜其日皇后常服

乘肩輿

肩輿諸擔子下准此

詣次侍衛如常儀至次降輿尚儀引

皇后入次南向坐俟時至釋常服服素服尚儀

以內臣揖下同

詣次前俛伏跪奏具官臣姓名言請皇后為某官封某

薨舉哀

若婦人曰某人某氏餘依所稱

奏訖俛伏興又躬奏請舉哭十

五舉音又躬奏請可止皇后哭止尚儀退贊者

以內臣揖下咸

服引內命婦奉慰次引外命婦奉牋慰訖皇后釋素服

服常服乘肩輿還如常儀

中宮為祖父母成服儀

訃至命太史擇日成服前一日有司於主人第正寢東
設皇后次周以簾帷又設內外命婦次於中門內外隨
地之宜其日皇后服常服乘肩輿侍衛如常儀至主人
第次前降輿尚儀前引詣坐俟時至皇后釋常服服素
服訖尚儀詣次前俛伏跪奏具官臣某姓名言請皇后
為祖父某官封薨成服

祖母曰祖妣某夫人
某氏餘喪各隨所稱

奏訖俛伏

興又躬奏請舉哭十五舉音又躬奏請可止皇后哭止

贊者引內命婦詣次前奉慰次引外命婦賤慰訖皇后
釋素服常服乘肩輿還內如常儀

中宮遣使弔諸王以下喪儀

以內給事一人為使者前期所司於主人第大門外設
次使者至贊者引之次內外縗服贊者引主人以下降
立哭於東階下婦人升立哭於殯所使者常服出次立
於門外之西東向史二人以案奉令書立於其右贊者
引主人去杖免經出中門止哭於大門外迎見使者訖

先入立於庭下北面史捧令書案前行贊者引使者從
入內外止哭使者入門左立於階間南面史以案進贊
者贊使者搢笏取令書執笏加令書於案上史以案退
使者少進於主人前稱有令弔贊者曰拜主人舉哭再
拜稽顙內外皆哭贊者引主人進詣使者前跪受令書
興復位贊者引使者歸次主人以令書授左右舉哭再
拜送使者於大門外使者還贊者引主人杖哭而入升
堂取令書奠於柩前

政和五禮新儀卷二百十二

欽定四庫全書

政和五禮新儀卷二百十三

凶禮

東宮為諸王以下喪舉哀儀

東宮臨奠諸王以下喪儀

東宮遣使弔諸王以下喪儀

東宮遣使奠諸王以下喪儀

東宮為諸王以下喪舉哀儀

訃至命太史擇日舉哀前一日所司於舉哀所設次周以簾帷其日皇太子常服就次侍衛如常至次南向坐俟時至釋常服服素服禮直官引左庶子當次俛伏跪

曰某官姓名言請皇太子為某官封某薨舉哀

婦人稱某

氏各隨所稱

言訖俛伏興又躬曰請皇太子舉哀十五舉音

又躬請可止皇太子哭止禮直官引左庶子退西向立宮官以下奉慰訖皇太子釋素服服常服還如儀

東宮臨奠諸王以下喪儀

訃至命太史擇日臨奠前一日有司於主人之第廳西
設皇太子次其日質明皇太子服常服以出侍衛如常
將至主人以下縗服去經杖出中門止哭迎於大門再
拜退先入立於門右皇太子至廳前就次主人升立哭
於柩東婦人立哭於柩西婦人隔帷以行贊者以內侍揖引皇太子
出次步至靈座前三上香三奠酒主人進詣皇太子前
跪哭皇太子撫慰訖主人以下皆再拜退皇太子出就
次還宮如儀

東宮遣使弔諸王以下喪

前期所司於主人第大門外設使者次使者至贊者引之次內外縗服贊者引主人以下降立哭於東階下婦人升立哭於柩所使者常服出次於門外西向史二人以案奉令書位於其左贊者引主人去杖出中門止哭於大門外迎見使者先入立於庭下北向史以令書案前行贊者引使者從入內外哭止使者入門詣庭下相向立史以案進贊者贊使者搢笏取令書執笏加令書

於笏上史以案退使者少進於受弔者前稱有令訖主人舉哭再拜稽顙內外皆哭贊者引主人進詣使者前跪受令書興復位贊者引使者歸次主人以令書授左右舉哭出中門哭止拜送使者於大門外使者還贊者引主人杖哭而入升堂取令書奠於柩前

東宮遣使奠諸王以下喪

前期所司於主人之第大門外設使者次使者至贊者引之次內外緣服贊者引主人以下降立哭於東階下

婦人升立哭於堂上。柩之右，使者常服立於大門外。從者陳饌於柩前。贊者引主人去杖，出中門止哭於大門外。迎見使者訖，先入立於門右。贊者引使者入，內外止哭。使者升自東階，立於柩前之右。贊者引主人升自西階，立當使者前。使者以琖奠酒，訖曰：「某官封謚，將歸幽宅，令使某奠。」有祭文則贊者宣讀主人降詣階間，舉哭再拜稽顙。內外俱哭。主人退哭於東階下。贊者引使者出，從者從。出，主人止哭拜送。使者於大門外，使者還，主人杖哭而

入

政和五禮新儀卷二百十三

欽定四庫全書

政和五禮新儀卷二百十四

凶禮

東宮妃為祖父母以下喪舉哀儀

東宮妃為祖父母喪成服儀

東宮妃為祖父母以下喪舉哀儀

訃至擇日舉哀前一日所司於舉哀所設次周以簾帷
其日皇太子妃服常服就次侍衛如常至次南向坐俟

時至釋常服服素服尚儀

以內臣揖不同

詣次前跪曰請皇太

子妃為外祖父某官封薨舉哀

或稱卒外祖母曰外祖妣某人某氏餘皆依所

稱言訖俛伏興又躬曰請舉哭皇太子妃舉哭十五音

又躬曰可止皇太子妃哭止尚儀退西向立贊者

以內臣揖

同下引東宮命婦詣次前奉慰訖皇太子妃釋素服服常

服還東宮如儀

東宮妃為祖父母喪成服儀

訖至擇日成服前一日所司於主人正寢東階下設皇

太子妃次周以簾帷所司設東宮內命婦次其日皇

太子妃服常服侍衛如常至主人第廳前降車贊者前

引詣次西向坐俟時至皇太子妃釋常服服素服尚儀

詣次前跪曰請皇太子妃為祖父某官封薨成服

或稱卒祖

母曰祖妣某官某氏父母隨所稱

言訖俛伏興又躬曰請舉哭皇太子

妃舉哭十五舉音又躬曰可止皇太子妃止哭尚儀退

西向立贊者引東宮內命婦奉慰訖皇太子妃釋素服

服常服還東宮如儀

政和五禮新儀卷二百十四

欽定四庫全書

政和五禮新儀卷二百十五

凶禮

品官喪儀上

初終

小歛

大歛

成服

弔賻

啟殯

葬

祭后土

虞

小祥

大祥

禫

祔

聞喪

奔喪

三殤

改葬

初終

自有疾
至襲

有疾者齋於正寢東首北墉下養者皆公服齋後樂藥
先嘗之疾困去故衣加新衣清掃內外分禱所祝侍者

四人坐持手足

內喪以婦人充

遺言則書之屬續以候氣氣絕

廢牀寢於地主人啼餘皆哭男子以白布衣披髮徒跣

婦人青縑衣披髮不徒跣女子亦然

父為長子為人後者為其本生父母

皆素冠不徒跣女子嫁者髻

齊衰期以下丈夫素布巾婦人去首飾

主人坐於床東餘在其後啼踊無算兄弟之子以下又在其後俱西面南上妻坐於床西妾及女子在其後哭踊無算兄弟之女以下又在其後俱東面南上藉藁坐哭內外之際隔以行帷祖父以下於帷東北壁下南面

西上祖母以下於帷西北壁下南面東上外姻丈夫於

戶外之東北面西上婦人於主婦西南北面東上皆舒

席坐哭

若舍窄則宗親丈夫在戶外之東北面西上外姻丈夫在戶外之西北面東上若內喪則尊行

丈夫外親丈夫席位於前堂若戶外之左凡喪位皆以右俱南面宗親戶東西上外親戶西東上

服精粗為序復於正寢復者三人

六品以下二人婦人視其夫

皆常

服以死者之上服左荷之升自前東榮當屋履危

危屋棟也

北面西上左執領右執腰招以左每招曰臯某復三呼

而止

丈夫稱字或伯仲婦人皆稱姓

投衣於前受以箱升自東階入以

覆尸復者降自後西榮復衣不以襲殮

浴則去之

設床第於

室戶內之西去脚舒簟設枕施帷去裙遷尸於床南首

覆用夷衾

大殮時所用之衾也黃衣素裏下同

去死衣

疾困所加新衣

即床而奠

贊者以脯醢酒用吉器升自東階設於尸東當膂

內喪皆內

贊者行事受於戶外入而設之

既奠贊者降出帷堂掌事者掘坎於階

門少西

廣尺深三尺長二尺

為塊竈於西墻下東向以俟煮沐

塊竈

掘土為之新盆盤瓶鬲皆濯之陳於西階下

盆以盛水盤以盛濡濯瓶以汲

水鬲凡鬲一品以下六品以下四品以下六品以下二

沐中一浴中二用絺若綌櫛

及浴衣各寔於篋

六品以下無篋以箱

皆具於西序下南上陳襲

事於房中襲衣三稱西領南上

公服一稱裳服之稱皆受以箱承以席几陳衣

如之六品以下一稱

明衣裳履襪具掩練帛一方尺八寸

掩累充首也

耳用白纁幘目用緇經裏方尺二寸組繫

幘目面衣也組繫可結下

同握手用緇纁裏長尺二寸廣五寸著組繫將沐掌事

者漸稷米

六品以下用梁米

取潘煮之又汲為湯以俟浴以盆

承潘及沐盤升自西階以授沐者

以侍者四人為之六品以下三人

沐

者執潘及盤入主人以下皆出戶外北面西上俱立哭

大夫在東婦人在西
嬭人權障以帷下同

乃沐櫛束髮用組浴則四人抗衾

二人浴拭用巾拒用浴衣濡濯棄於坎設床於尸東柩

下莞上簟浴者舉尸易床設枕剪髮斷爪盛以小囊大

殮內於棺著明衣裳以方巾覆面仍以大殮之衾覆之

主人以下入就位哭乃唅贊者奉盤水及筭

筭竹器也

飯用

稷唅用璧升堂

六品以下用梁與貝

唅者

六品以下主人自為之

盥手於戶

外贊者沃盥唅者洗稷璧

梁貝同

實以筭執以入贊者從

入北面徹枕奠筭於尸東唅者坐於床東西面發巾實

飯含於尸口訖主人復位

尸位在東

襲者以床升入設於尸

東布枕席如初執服者陳襲衣於席遷尸於席上而衣

之

凡衣死者左衽不紐

祝去巾加面衣設充耳著握手納履若舄

覆以夷衾內外皆就位哭如初

諸尊者於卑幼之喪及嫂叔兄弟好姪壻煩哭朝

肺之間非有事則休於別室

設銘以絳廣充幅

四品以下廣絳幅

韜杠

杠竿也

其長視絳四品以上長九尺六品以上長八尺九品以上長七尺

書曰某官封之柩

婦人

視其夫有官封則曰某官封某人姓氏之柩未有封曰某妣或妻某氏之柩

為重

以木刊鑿之為懸北

長八尺橫者半之

五品以下七尺七品以下六尺

置於中度參分庭一

在南掌事者以沐之米為粥寔於二鬲

鬲各視其數

罍用䟽

布繫以竹筥垂於重覆用輦席北向屈兩端交於後兩

端在上綴以竹筥祝取銘置於重又於殯堂前楹下夾

以輦席簾門以布又設輦障於庭厥明乃殮

凡言贊者視掌事者

皆以常使者臨時為之東西之序臨時隨所居之向背設之

小殮

小殮之禮以喪之明日夙興陳殮衣九稱

謂朝服公服各一稱餘皆

常服不足各隨所辨下同

於東房西領南上非正色不入絺綌不入

饌於東堂階下

隨宜設禮饌器皆以素下依此

具床席於堂西歛者盥

訖執服者以殮衣入主人以下少退西南主婦以下少

退東南內外俱哭歛者歛訖覆以夷衾設床於兩楹間

衽

衽寢卧之席也

下筵上簟設枕卒殮開帷

帷裳堂之帷事畢則下之

主人

以下西面憑哭踊無算主婦以下東面憑亦如之男子

括髮衰巾帕頭

六品以下布束

婦人括髮而髻殮者舉尸男女

從奉之遷於堂覆以夷衾哭位如室中踊無算贊者盥

手奉饌至階升奠於尸東徹襲奠自西階降出下帷內

外俱坐以親踈為之代哭宵為燎於庭厥明滅燎乃大歛

大歛

大殮之禮以小殮之明日夙興陳衣於東序十稱

期服公服

各一稱除皆常服不足省隨所有

西領南上內喪則具花釵饌於堂東

階下如初掘殯坎於西階之上棺入內外哭止升棺於

殯所

炭枕席之屬皆預設於棺內

升訖內外皆哭焚黍稷六箱皆如

魚腊燭俟於饌東贊者徹小殮之饌降出乃適新饌所

殮者盥訖與執服者以殮衣入內外皆少退立哭殮者
歛訖覆以夷衾卒殮開帷主人以下憑哭如初退復位
諸親以次憑哭殮者四人舉床男女從奉尸殮於棺乃
加蓋覆以夷衾內外皆復位如初設焚穀首足各一箱傍
各二箱以木覆棺上乃塗卒塗乃設帟於殯上祝取飴
置於殯贊者盥手以饌升入室西面設於殯前降出下
帷內外皆就位哭如初既殯設靈座於下室西間東向
下室謂燕寢在下室者設靈座
於殯東六品以下止設於殯東施床案屏障服飾以時

上飲膳及湯沐如平生大功以下異門者各歸其家

成服

三日成服除死之日為三日

前一日掌事者先為廬次於殯堂東廊下近南北向戶

設苫由於內

諸子各一廬五品以上廬皆營之

期親以廬南累壁為堊

室俱北戶剪蒲為席不緣大功於堊室之南張帷席以

蒲婦人次於西房若殯堂無房者次於後或別室其日

夙興內外皆哭盡哀各就次服縗服無服者素服贊者

引主人以下俱杖

童子婦人不杖不居廬不著扉履若嫡子雖童亦杖不能自扶人執之

升立哭於殯東西面南上婦人升詣殯西東面南上期

親以下各就位

若殯近西壁婦人皆位於殯北南面東上尊行者坐

內外皆哭盡

哀諸子孫就祖父及諸父跪哭皆撫哭盡哀就祖母及諸母前哭亦如之女子就祖母及諸母前哭與就祖父諸父前哭如男子之儀惟不撫主婦以下就伯叔母哭亦如之訖乃復位諸尊者降出還次主人以下降立於東階下外姻在南俱西面北上哭盡哀各還次闔戶既成服大功以下異門者各歸其家主人及諸子妻妾女

子之哭於其次晝夜無時

父母之喪居倚廬寢苦枕由寢不脫經帶頭有瘡則沐身

有瘍則浴有疾則飲酒食肉疾止復和升降不由東階出入不當門墜不避涕泣而見人諸尊及婦

人諸親男女之喪有事則哭於殯所若無事有時須哭

者或在正寢則於北壁下舒席南面坐哭親故弔贈如

別儀每日先具朝服奠於東階下

隨宜設酒饌

內外夙興各

縗服

應杖者皆杖下淮此

男子升詣殯東婦人升於殯西内外皆

就位哭

凡朝夕哭惟

質明掌事者升自東階徹宿奠降出乃

以朝奠入升自東階設於殯前如初乃出日出少頃内

外俱止哭還次至夕內外俱就位哭徹朝奠進夕奠如初日入後少頃止哭還次哭者闔戶主人以下哭於

次如初自是至啟殯朝夕如之五品以下若遇朔望

則具盛奠

比朝夕奠物品卷束

如朝奠之儀不饋於下室至夕則

徹之奠如常禮六品以下則百日乃卒哭其日夙興掌

事具奠於堂東內外夙興各緣服贊者引主人以下俱杖升立哭於靈座東西面南上婦人升詣靈座西東面南上內外俱就位哭贊者升自東階入徹夕奠出如初

掌饌者以饌升於靈座前如初贊者引主人降自西階

初獻盥手訖

主人以下長為初獻次為亞終獻則以親賓代獻自後虞祭小祥禫祭皆如之進

詣靈座前以醑跪奠酒俛伏興少退西向立祝入立於

靈座南北面內外哭止祝跪讀祝文曰維某年某月某

朔日辰孤子某

母喪曰哀子

敢昭告於考某官封

妣云妣某入某氏未

有封云妣某氏下同

日月不居奄及卒哭叩地號天五情糜潰謹

以清酌庶羞之儀薦成事於考某官封尚饗祝興主人

哭再拜退復位次引亞獻盥手奠酒如初

不讀祝文

次引終

獻亦如之内外皆再拜哭盡哀各還次闔戶自卒哭之
後朝一哭夕一哭乃諱名

政和五禮新儀卷二百十五

欽定四庫全書

政和五禮新儀卷二百十六

凶禮

品官喪儀中

弔賻

弔者至掌事者引之次素服

若主人未成服弔者不變服

贊者入告

內外繖服贊者引主人以下立哭於東階下婦人升哭於殯西弔者入立於庭北面西上為首者進當主人前

云如何不淑主人哭再拜稽顙為首者復位弔者俱哭
十餘聲乃出少頃主人以下各還次若哭殯內外俱升
就殯堂尊者坐

若賓敵體賓初入則起
賓坐亦坐賓起亦起

內外俱哭贊者引

弔者入升堂立於殯東西向南上尊者坐哭盡哀乃出

卑者再拜訖乃就主人前慰訖贊者引以次出

恩深者
賓拜訖

入哭少頃還次如初

賓客以弔而重來者主人哭而見
其去也哭送之未葬必脩練經而

後見若遣使致賻使者至立於大門外之西東面從者以

箱奉元纁束帛立於使者之側

凡贈通以貨財不
限以元纁束帛

贊者

入告主人立哭贊者引使者入立於門內之西東面從者以箱授使者主人哭止使者奉箱少進東面曰某封某官使某賻主人哭再拜使者又少進坐委之興復位掌事者進坐舉之興以東使者出主人拜送

若使者致物不以器

掌事者近受之不委於地餘賻物則從者執之立於使者之側掌事者受之以束藏之

啟殯

墓兆葬日皆前期擇之墓有期前一日之夕掌事者除葦障脩饌於東階下

如大殯之奠

設賓次於大門外之右南

向夕哭內外如常儀啟之日夙興內外縗服主人及諸

子去冠經以衰巾帕頭皆升就位哭

尊行
者坐

祝縗服執功

布

長五
尺

升自西階詣殯南北向止哭祝三聲噫嘻乃曰

謹以吉辰啟殯既告內外皆哭盡哀各還次祝與執饌
者升徹宿奠如常祝取銘旌置重北建之掌事者升徹
殯塗訖設席於柩東升柩於席上祝以功布拂柩覆用
夷衾降出設帷東面開輦者引主人以下升哭於帷
東西面妻妾女子子已下哭於帷西東面俱南上祖父

以下惟東北壁下南面西上祖母以下惟西北壁下南

面東上外姻丈夫惟東北面西上婦人惟西北面東上

尊者掌饌者以饌升設於柩前降出祝以酒奠之主人

以下哭踊無算內外俱哭於位如未成服之禮以親疏代哭晝夜不絕聲若

親賓致奠於主人啟奠之後諸奠者以次立於寢門之

外東向謂卑幼者有故則遣使祭饌陳於前贊者入告內外卑者

皆興立哭於位執饌者以饌升設訖降出贊者引奠者

以次入詣柩前西面南上為首者進以醢跪奠酒俛伏

興少退內外哭止奠者曰某位伯叔

各從官爵稱之

將歸幽宅

謹奉奠

若異姓者從其稱若遣使者云某封若某姓各聞某封若某官將歸幽宅使某奉辭

奠畢

應拜者皆再拜內外皆哭主人拜稽顙奠者哭盡哀乃

出掌事者以次徹饌而退既奠乃告贈亦於柩

或贈或謚皆告

無則不告

主人升立於饌東西面祝持贈文升自東階進立

於柩東南北面內外哭止祝少進跪讀文訖興主人哭

拜稽顙祝進跪奠之於柩東興降出內外哭盡哀復位

哭如初

葬

啟之日掌事者納輜車於大門內當門南向設靈車於

右內外所乘之車陳於大門外

丈夫之車門西頤人於東

先於宿所

張吉凶帷凶帷西吉帷東俱南向設靈座於吉帷下如

常儀啟之夕未發前五刻擊鼓為節陳布吉凶儀仗方

相

四品以上為方相黃金四目八品以上為魁頭兩目九品無皆深青衣朱裳執戈揚盾

誌一品

以下無

大棺車及明器以下陳於柩車前紼披鐸娶挽歌

者皆具

紼引輜車索也披者繫於輜車四周在傍執之以脩傾蔑諸將紼披娶者皆布幘布深衣挽歌

者白練幘
白練構衣

二刻再擊鼓為節掌饌者徹啟奠以出內外

俱興立哭於位執紼者皆入掌事者徹帷持筓者俱升

以筓障柩執紼乃升執鐸者入當西階立執纛者入當

西階南北面立

七品以下
無纛下同

掌事者取重出待於門外之

東執旌者立於執纛者南北向

諸執旌纛者皆布深衣
介幘若無纛執旌者立

於西階
南北面

陳布訖三擊鼓為節乃引靈車於內門外南向

祝詣靈座前西向跪昭告曰孤子某

母曰
哀子謹用吉辰奉

歸先兆

若新卜宅云
奉歸幽宅

靈車就引神道紆迴惟以荒寥無

任梗絕興立少頃執鐸者俱振鐸引柩降階間南向

披加

歸於上

持翼者常以翼障柩降階執燹縣者却行而引止

則迴北向立執旌者繼燹而行止則北向立

無燹者則執旌者引

主人以下以次從柩哭而降主婦以下又次之柩至庭主人及諸子以下於柩東西面南上祖父以下於東北南面西上異姓丈夫於主人東南西面北上妻妾女子子以下於柩西東面南上祖母以下於西北南面東上異姓嬭人於主婦西南東面北上皆立哭內外之際障

以行帷庭位既定祝帥執饌者設祖奠於柩東

如盛奠之饌

祝以酒奠訖詣饌南北面跪曰永遷之禮靈神不留謹

奉旋車式遵祖道尚饗興少頃徹之若致賵賓立於大

門外西從者以箱奉元纁束帛立於賓側贊者入告乃

引賓入當柩車東南北面從者以箱授賓退內外哭止

賓曰某謚封君某將歸幽宅敢致賵辭畢乃哭內外

皆哭主人拜稽顙賓止哭進奠幣於柩前詣西面出主

人拜稽顙送之

初賓出掌事者於柩前取幣以束藏之

柩動旌先壽縣次之

主人以下從哭於柩後婦人次之柩至輜車

輜車載柩之車也

執紼者解紼屬於輜車設帷障於柩後執紼披者如常

設靈車送升柩於輜車上內外哭位如初在庭之儀乃

設遣奠於柩車前如祖奠之儀祝奠酒訖少頃徹饌靈

車動從者如常若二品以上設鹵簿鼓吹儀仗於靈車

之前三品以上陳鹵簿無鼓吹靈車後方相車

無方相設魁頭

車次誌石車

九品無

次大棺車

誌石與大棺者先設於墓不在陳設

次明器

輿次下帳輿吹米輿次酒脯醢輿次食輿

食器其從人皆布幘深衣

次銘旌次壽次鐸

分左右

次挽歌次輶車主人及諸子俱

經杖屨服

先者衣中加經

徒跣哭從餘各依服精粗為序從哭

出門內外尊行者皆乘車馬哭不絕聲出郭門若親賓

還者權停柩車乘者皆下立哭贊者引親賓以次俱向

柩立哭盡哀卑者再拜而退婦人亦如之親賓既還乘

車馬如初

若墓遠及病不堪步者出郭主人及諸子亦乘去塋三百步乃下

靈車至帷

門外

謂吉帷

迴南向遂薦常食於靈座前若食頃徹之

每于

傳宿之所設靈座薦食

柩車至入凶帷停於西廂南向祝設几席

於柩車之東初至宿次內外皆就柩車所分東西如常立哭凡停宿薦酒脯之奠於柩東如朝夕之儀既設奠

內外各就位迭哭不絕聲將至乘車者卑行見墳而下尊行及塋而下以序哭靈車至帷門外

掌事者先於墓門內道西張帷

墓設靈座如初

迴車南向遂設酒脯之奠柩車至壙前迴南向

哭位如在庭之儀掌事者陳明器於壙東南西面北上

設靈車於柩車之後張帷下柩於靈車

迴靈車者用席

丈夫

柩東婦人柩西以次憑哭盡哀各退復位內外卑者哭

再拜辭訣贊者引主人以下哭於羨道東西面北上妻
及女子子以下哭於羨道西東面北上踊無算婦人皆
障以行帷掌事者施席于壙內遂下柩於壙內席上北
首覆以夷衾持妻者入倚妻於壙內兩廂遂以下帷張
於柩東南向米酒脯陳于帳東北食器設於帳前醯醢
設於食器南藉以版明器設於壙內左右掌事者以元纁
束帛授主人主人授祝祝奉以入奠於靈座主人拜稽
顙施銘旌誌石於壙內置訖於戶設闕籥遂復土三主

人以下稽顙哭盡哀內外俱就靈所哭乃祭后土具別
儀饌者徹酒脯之奠設靈於帷車外陳布如來儀少頃
靈車發行內外從哭如初出墓門尊行者乘車馬去墓
百步許卑者廼乘靈車至宅內外乘者皆下靈車入至
西階迴南向少頃靈車退主人以下升立哭於庭座東
西面南上內外皆升祖父以下哭於帷東南面西上妻
及女子子以下哭於靈座西東面南上祖母以下哭於
帷西南面東上外姻丈夫帷東北面西上婦人帷西北

面東上親賓弔如初弔於庭者稱痛當奈何哭盡哀主人以下各還次沐浴俟虞

祭后土

掌事者先於墓左除地為祭所柩車至祝吉服鋪后土神席於北方南向饌者脩饌於其側既復土告者吉服

親賓為告者

贊者引告者及祝俱立於神位東南立定俱再

拜贊者曰告者請行事掌饌者以饌入設於席位乃出贊者引告者盥手詣神席前以醴跪奠酒俛伏興少退

北向立祝於神席右西向跪讀祝文曰維某年某月某
朔日某官某姓名敢昭告於后土之神某官封謚寔茲
幽宅神其保佑俾無後艱謹以清酌庶羞明薦於后土
之神尚饗祝興告者再拜贊者引告者退復位俱再拜
以次出乃徹饌席

政和五禮新儀卷二百十六

欽定四庫全書

政和五禮新儀卷二百十七

凶禮

品官喪儀下

虞

柩既入壙掌事者先歸修虞事具饌於堂東靈車將至
掌事者先施靈座於寢堂室內戶西東向於靈座東南
北設帷東出戶

若室窄則設靈座於堂

既沐浴主人以下內外升

詣靈所主人及諸子倚杖於堂内外戶外皆哭掌饌者以饌入陳於靈座前降出贊者請主人止哭盥手進詣靈座前以盞跪奠酒俛伏興少退西向立内外哭止祝

進於靈座之右跪讀祝文曰維某年某月某朔日辰孤

子

母稱
哀子

某敢昭告於考某官封謚日月遄速奄及反虞

叩地號天五情靡潰謹以清酌庶羞哀薦祫事於考某

官封謚尚享祝興主人哭再拜主人退復位次引亞獻

終獻皆如之

不讀
祝文

内外哭盡哀主人以下出杖降自西

階就次妻妾女子子各還別室少頃徹饌闔戶降出乃

埋重於門外道左

三品以上七虞五品以下五虞九品以上三虞如初虞之禮皆以日祝辭

中虞曰哀薦成事餘皆曰哀薦虞事

卒哭掌事者改廬前屏柱楣塗廬不

塗見面

裏則塗外不塗

小祥

前一日之夕毀廬為堊室設蒲席周喪堊室者除之設地席陳練冠於次主人及諸子俱浴櫛爪剪具饌如盛奠其日夙興祝先入室登拂几筵以出外縗服主人倚

杖於階東俱升就位

應拜者在杖位

哭盡哀贊者引主人

杖就次主婦以下各就次主人及諸子降首經著練

冠妻妾女子子除腰經周服者除之丈夫素服吉冠履

婦人素服吉冠履贊者引主人及諸子倚杖如初內外

俱升就位哭掌饌者以饌入升自東階設如初贊者引

主人盥手及奠酒如初祝進位於靈左右北面內外皆

止哭祝跪讀祝文曰維某年某月某朔日辰孤子某

母曰

子敢昭告於考某官封謚歲月驚迫奄及小祥攀慕永

遠重增屠裂謹以清酌庶羞祇薦祥事於考某官封謚
尚享祝興主人拜退伏位次引亞獻終獻如虞祭之儀
內外再拜哭盡哀贊者引主人杖降自西階就次內外
皆出少頃徹饌闔戶降出自小祥之後止朝夕之哭哭
無時哀至則哭始食菜菓飴食素

大祥

前一日之夕除堊室張帷幄內外大祥之服子次主人
及諸子沐浴具饌如初其日夙興祝先入拂几筵降出

內外素服主人以下升哭盡哀哭止掌事者設饌如初內外俱就位哭贊者引主人盥手奠酒如初祝於靈座右跪讀祝文曰維年月朔日辰孤子某母曰敢昭告於考某官封謚日月逾邁奄及大祥攀慕永遠無任荒踣謹以清酌庶羞祇薦祥事子考某官封謚尚享餘皆如小祥之儀主人以下還外寢妻妾女子以下還於寢掌事者除靈座自大祥之後外無哭者間月而禫

禫

祭前一日之夕掌事者先脩內外禪服各陳於別所主人及諸子俱沐浴具饌如初其日夙興祝入設几筵於奠所主人及諸子妻妾女子子仍祥服內外俱升就位哭盡哀降釋祥服服禪服復升就位哭設饌如初贊者引主人盥手奠酒如初祝進立於靈座右止哭祝跪讀祝文曰維年月朔日辰孤子某母曰哀子敢昭告於考某官封謚禪制有期追遠無及謹以清酌庶羞祗薦禪事於考某官封謚尚享餘如故大祥之儀贊者引主人以下

出降自東階還寢祝收几筵以出自禫之後內無哭者

擇日乃祔如別儀

凡父母之喪周而葬者則以葬之後月小祥大祥取再周之禮禫亦如之

若再周而後葬者則以葬之後月練又後月為大祥祥而祥即吉無復禫矣其未再周葬則以二十五月練二十六月祥二十七月禫若再周而未葬則俟已葬而後除服

祔

將祔乃擇日

以乘日

前期三日主人及亞獻終獻諸執事

謂祝及贊者之類

俱散齋二日致齋一日前一日之夕掌事者

清掃廟之内外

無廟者正寢之内外

設祖考之座於廟

無廟者於正寢或五

位或三位或二位皆臨時視品秩設之尊者東向餘以南北相向祭二世者止為南北位而已若祔妣則設祖妣及妣之座位數如之更不設祖考位其有考妣同祔則皆設之下依此設三獻位於東階

東南皆西向諸子孫位於庭北向西上其日夙興掌饌者具饌於階下主人以下入就位贊者曰再拜在位者皆再拜掌饌者以饌升各陳於座前設訖降出贊者引初獻盥手升詣東階進詣東向位前以醑跪奠俛伏興又引詣次位奠酒如初再詣東向位前西面立祝進於神座之右跪讀祝文曰維年月朔日辰某孫某官封某

各隨其官爵稱之

敢昭告於某祖某官封謚

無官封謚者云某祖之靈謹以

清酌庶羞祗薦於某祖某官封謚某妣某人某氏配餘依

此考某封謚

若母先亡則云妣某人某氏配若祔妣則曰某祖妣某人某氏餘依此例妣某人某

氏若同祔則如上儀皆言配如母亡而父在更不祔止為他室祭之也

尚享祝興主人再

拜興降出贊者引主人詣諸座前各再拜乃復位次引

亞獻盥手詣諸座前奠酒再拜如初

不讀祝文復位引終獻

亦如之復位贊者曰再拜在位皆再拜贊者引主人以

下出掌饌者徹饌別薦酒脯之奠少頃徹之

聞喪

諸聞喪舉哀者於聞喪所哭盡哀問故又哭盡哀改服
素服子妻妾女子俱披髮三日成服廬堊室苦志薦席
變除之節皆如在家之禮惟不設奠祭若除喪而後歸
則之墓諸子以下素服待於墓左西向婦人待於墓右
東向俱北上歸者素服至墓南北面哭盡哀再拜又
哭盡哀再拜於家不哭喪自外至者小斂而反則子素
服衣中帕頭徒跣哭從大斂亦如之若先遭重喪後遭

輕喪皆為制服往哭則服之反則如初有殯聞達兄弟之喪哭之他室無他室哭於門內之右

奔喪

奔喪之禮如聞親喪以哭答使者盡哀問故又哭盡哀服布深衣素冠遂行父母之喪見星而舍若未得奔則成服而後行至家內外哭待於堂上奔喪者入門而左升自西階殯東西面憑哭盡哀少退再拜退於序東披髮復位坐哭又盡哀尊卑撫哭如常訖內外各還次

奔喪者乃還如未成服者三日成

若至在小斂前與主人俱成服小斂以後

日用數

賓弔拜賓如常奔喪者非主人則主人為之拜賓

不及殯則先之墓北面近墓哭主人以下哭待於墓左

西面主婦以下於墓右東面皆北上奔喪者盡哀再拜

又於墓東披髮復位哭盡哀贊者告禮畢奔喪者又再

拜遂冠而歸入門而左升自西階靈東西向憑靈哭主

人以下升哭如常盡哀再拜各還次三日成服

婦人奔喪入自

閨門升自西階側殯西東面妻妾女子子憑哭披髮皆如男子之儀不及殯則被髮於墓西亦皆如男子之儀

三殤

三殤之喪始死浴襲大小歛及葬送哭泣之位與成人同不復無唅辦而葬一虞乃除之其虞祝詞云維某年

月朔日辰父告於子某

兄亡兄告弟某弟亡弟某昭告某兄有官稱官以下同

日

月易往奄及反虞悲令相續心焉如燬

兄云悲慟猥至情何可處弟云

哀痛無已五情可割

今以

弟祭兄云謹以

清酌庶羞薦虞事於子某魂某

享之

弟祭兄云尚享

嫡殤者時享皆祔食

改葬

凡有改葬者皆具事因聞於官勘驗得實行之

將改葬先於墓所隨地之宜張白布帷幕南向開戶其
日內外諸親皆至墓所各就便次主人以下及妻妾女
子俱總麻服周親以下素服丈夫於墓東西向婦人於
墓西東向皆北上婦人障以行帷俱立哭盡哀畢者再
拜立於羨道南外向內外哭止祝三聲噫嘻啟以改葬
之故內外又哭盡哀權就別所掌事者開墳訖置棺於
席上內外俱從哭於墓所分東西位如常儀祝以功布
拭棺掌饌者設饌於柩南主人盥手以饌跪奠酒再拜

訖少頃徹奠進柩車于帷門外南向升柩於車遂詣墓
所內外俱哭掌事者先設床于墓下有枕席周設帷柩
車至帷門外丈夫柩東婦人柩西俱立哭掌事舉柩入
設床柩東舉尸出置於床南首遂歛如大歛之儀

加明衣裳

下乃設靈座於吉帷內幕下西廂東向

施床帷屏服飾以時上飲膳及

沐如平生

及葬將引柩告白以今吉辰用即宅兆不設祖奠

無反哭無方相魁頭餘如常葬之儀既葬就吉帷靈座
前一虞虞如常儀其祝詞云維年月朔日辰孝子某敢

昭告於考某官封謚改遷幽宅禮畢終虞夙夜匪寧啼
號罔極謹以清酌庶羞祇薦虞事於考某官封謚尚享
既虞主人以下出就別所釋總服及素服而還掌饌者
徹靈座

政和五禮新儀卷二百十七

欽定四庫全書

政和五禮新儀卷二百十八

凶禮

庶人喪儀上

初終

小歛

大歛

成服

弔賻

啟殯

葬

祭后土

虞

小祥

大祥

禫

聞喪

奔喪

三殤

改葬

初終

自有疾至襲

有疾者齋於正寢東首北墉下養者齋徹樂飲藥先嘗之疾困去故衣加新衣清掃內外分禱所祀使人坐持手足

內喪使婦人

遺言則書之屬纊以候氣氣絕廢床寢於

地主入啼餘皆哭男子易以白布衣披髮徒跣婦人青
縑衣披髮不徒跣女女子亦然

父母長子為人後者為其本生父母皆素冠不

徒跣女子
子嫁者髻

期親以下丈夫素巾婦人去首飾主人坐於

床東餘次之啼踊無算兄弟之子以下又在其後俱西
面南上妻坐於床西妾及女子子次之哭踊無算兄弟
之女以下又在其後俱東向南上藉藁坐哭內外之際
隔以行帷宗親尊行丈夫帷於東壁下南面西上婦人
帷於西北壁下南面東上外姻丈夫於戶外之東北面

西上婦人子主婦西南北面東上皆坐席而哭凡喪位皆以服精粗為序復於正寢復者一人以死者之上服左荷之升自前東榮當屋履危北面西上左執領右執腰招以左每招曰臯某復三呼而止

稱名婦人稱姓

投衣於前

授以箱升自東階入以覆尸復者降自後西榮復衣不以襲歛浴則去之設床於室戶內之西去脚舒簟設枕

遷尸於床南首覆用夷衾

大歛時所用之余黃素表裏下同

去死衣

疾

所加即床而奠贊者

以親或所使者為之

以醢醢酒用吉器升自

欽定四庫全書

明倫彙編
卷一百一十八

三

東階設於尸東當牖

內表皆內贊者行事
受於戶外入而設之

既奠贊者降

出帷堂掌事者掘坎於階間少西

坎深三尺
長二尺

為塊竈於

西墻下東向以俟煮沐

掘土
為竈

新盆盤瓶皆濯陳於西階

下沐巾一浴巾二皆用布櫛及浴衣各實於箱皆具於

室西南上陳襲事於房中襲衣一稱西領南上明衣裳

履襪具掩練帛一方尺八寸

掩者
衣也

充耳用白纁面衣用

緇纁裏方尺二寸握手用緇纁裏長尺二寸廣五寸將

沐掌事者浙梁米取潘煮之又汲為湯以待浴以盆承

潘及沐盤升自西階以投沐者

沐及浴皆二人
抗衾一人浴

沐者受

沐主人以下皆出戶外北面西上俱立哭

丈夫在東婦
人在西權障

以乃沐櫛拭用巾拒用沐衣束髮用組濡濯棄於坎設

床於尸東衽下莞上簟浴者舉尸易床設枕翦髮斷爪
盛以小囊大歛內於棺著明衣裳以方巾覆面仍以大
歛之衾覆之主人以下入就位哭乃唵贊者舉奉盤以
及筭飯用梁哈用貝升堂主人出盥手於戶外洗梁具
實以筭執以入徹枕奠筭於尸東主人坐於床東西面

發中實飯含於尸口訖主人復位襲者以床升入設於

尸東布枕席如初執服者陳襲於席遷尸於席上而衣

之

左衽不紐

襲者去巾加面衣設充耳著握手覆以夷衾內

外哭如初

諸尊者於卑幼之喪及嫂叔兄弟

設銘於

西階下

銘以絳廣充幅韜扛書云某人之柩

為重置於庭厥明乃小歛

小歛

小歛之禮以喪之明日夙興陳歛衣一稱於東房西領

南上饌於堂東階下

隨宜設醴饌器皆以素下同

具床於堂西歛者

盥訖執服者以歛衣入主人以下少退西面主婦以下少退東面內外俱哭歛者歛訖覆以夷衾設床於兩楹

間衽如初設枕卒歛開帷

帷堂之帷事畢則下之

主人以下西面

憑踊無算主婦以下東面憑踊亦如之男子哀巾束髮婦人束髮而髻歛者舉尸男女從奉之遷於室覆以夷衾哭位如室中踊無算贊者奉饌至階升奠於尸東徹襲奠自西階降出下帷內外俱坐以親踈為之代哭宵為燎於庭厥明滅燎乃大歛

大歛

大歛之禮以小歛之明日夙興陳衣三稱於東序西領南上饌於堂東階下

如小歛

掘殯坎於西階之上棺入內

外哭止升棺於殯所

灰炭枕席之屬皆預設於棺內

升訖內外皆哭慤

黍稷二箱加魚腊燭俟饌東贊者徹小歛之饌降出乃適新饌所歛者盥訖與執服者以歛衣入內外皆少退立哭歛者歛訖覆以夷衾卒歛開帷主人以下憑哭歛者四人舉床男女從奉尸歛於棺乃加蓋覆以夷衾內

外皆復位如初設熨穀首足各一箱以木覆棺上乃塗
卒塗乃設帶贊者以饌入設於殯前降出下帷內外皆
就位哭如初既殯設靈座於殯東施床案屏障服以時
上飲食及湯沐如平生大功以下異門者各歸其
家

成服

前一日掌事者先為廬次於殯堂東廊下近南北戶設
苦出

諸子各一

婦人次於西房若殯堂無房者次於後或別

室其日夙興內外皆哭盡哀降就次服縗无服者素服

贊者引主人以下俱杖

童子婦人不杖不居廬不著屣履若嫡子雖童亦杖不能自杖

人代執之升立哭於殯東西南上婦人殯西東面南上期

親以下各就位

若殯逼西壁婦人皆殯北南面東上尊行者坐

內外皆哭盡哀

諸子孫就祖父及諸父前跪哭皆撫哭盡哀就祖母及

諸母前哭亦如之女子子就祖母及諸母前哭與就祖

父及諸父前哭如男子之儀惟不撫主婦以下就伯叔

母哭亦如之訖乃復位諸奠者降出還次主人以下降

立於東階下外姻在南俱西向北上哭盡哀還次閭戶

既成服期以下各歸其家主人及諸妻妾女子子哭於

其次晝夜無時

父母之喪居倚廬寢苦枕函寢不脫巾帶頭有瘡則沐身有瘍則浴有疾則飲

酒食肉疾止復初

諸尊者及婦人於諸親男女之喪有事則哭

於殯所若無事有時須哭者或在正寢則於壁下舒席

南面坐哭親故吊賻如別儀每日先具朝奠於東階下

酒饌隨宜

夙興各縗服

應杖者皆杖下同

男子升詣殯東婦人升詣

殯西就位哭

凡朝夕哭間

惟質明掌饌者升徹宿奠降出乃以

朝奠入升自東階設於殯前如初乃出日出少頃內外止哭還次至夕俱就坐哭徹朝奠進夕奠如初日入後少頃還次闔戶主人以下哭於次自是至啟殯朝夕如之百日乃卒哭其日夙興掌事者俱饌於堂東內外各線服贊者引主人以下俱杖升立哭於殯東西面南上婦人升詣殯西東面南上內外俱就位哭贊者升自東階入徹夕奠出如初執饌者以饌升設於殯前如初贊者引主人降階盥手訖進詣殯前以琰跪奠酒俛伏興

少退西面祝入立於殯南北面內外哭止跪讀祝文曰

維某年某月某朔日辰孤子某

母曰
哀子

敢昭告於考某人

妣曰
妣某
氏下同

日月不居奄及卒哭叩地號天五情糜潰謹

以清酌庶羞哀薦成事於考某人尚享祝興主人再拜
哭應拜者皆再拜哭盡哀主人以下各還次闔戶自卒
哭後朝一哭夕一哭乃諱名

政和五禮新儀卷二百十八

欽定四庫全書

政和五禮新儀卷二百十九

凶禮

庶人喪儀中

弔賻

弔者至掌事者引之次素服

若主人未成服
弔者不變服

贊者入告

引主人以下立哭於東階下婦人升哭於殯西弔者入
立於庭北面西上為首者進當主人前云如何不淑主人

哭再拜稽顙為首者復位弔者俱哭十餘聲乃出少頃

主人以下各還次若哭殯俱升就殯堂哭尊者坐

若賓敵體

以上賓出入則起賓坐亦坐賓起亦起

贊者引親賓入升堂立於賓東西

面南上尊者坐哭盡哀乃出卑者再拜訖乃就主人前

慰訖贊者引以次出少頃還次如初若追遣使致賻使

者至於大門外之西東面從者以箱奉元纁束帛立於

使者之側

凡賻通以貨財不限以元纁采帛

贊者入告主人立哭贊者

出引使者入立於門內之西東面從者以箱授使者主

人哭止使者奉箱少進面曰某封若某官使賻

無官曰某人

主人哭再拜使者又少進坐委之興復位掌事者進坐

舉之興少東使出主人拜送

若使者致物不以器掌事者逆受之不委於地餘賻

物者從者執之立於使者之側掌事者受之以東藏之

啟殯

墓地葬日皆前期擇之葬有期前一日之夕掌事者除

葦障脩饌於東階下

如大歛

設賓次於大門外之右南向

内外夕哭如常儀啟之日夙興内外縗服主人及諸子

去冠經以衾中帕頭皆升就位哭

尊行者坐

贊者纁服執功

布

長三尺

升自西階詣殯南北向內外止哭祝三聲噫嘻

乃曰謹以吉辰啟殯既告內外皆哭盡哀各還次執饌者升徹夕奠如常祝移銘旌重北建之掌事者升徹殯塗訖設席於柩東升柩於席上贊者以功布拂柩覆用夷衾降出設帷東面開如主人以下升哭於帷東西面妻妾女子子哭於帷西東面俱南上宗親尊行丈夫以下帷東北壁下南面東上外姻丈夫帷東北面西上婦人帷

西北面東上

尊行者坐

執饌者以饌升奠於柩東降出贊者

以酒奠之主人以下哭踊無算內外俱哭於位

如未成服之禮

以親疎代哭晝夜不絕聲

若賓親致奠於主人啟奠之後諸奠者以

次入於寢門內東向

謂卑幼者有故則遣使

祭饌陳於前贊者入

告內外卑者皆興立哭於位執饌者以饌升設訖降出

奠者以次入詣柩前西向南上為首者進以醴跪奠酒

俛伏興少退內外哭止尊者曰某位伯叔將歸幽宅謹

奉奠

若異姓各從其稱若使者云某官封若某姓位聞某人將歸幽宅使某奉辭

尊卑應拜

者再拜內外皆哭主人拜稽顙奠者哭盡哀乃出掌事者以次徹饌而退

葬

啟之日掌事者納柩車於大門內當門南向設靈車於

右內外所乘之車陳於大門外

丈夫之車門西婦人之車門東

先於宿

所張吉凶帷凶帷西吉帷東設靈座於吉帷下如常儀

啟之夕未發前一日引靈車於內門外南向祝詣靈座

前西向跪昭告曰孤子某

母曰哀子

謹用吉辰奉歸先城

若為

新墓則曰靈車就引神道紆迴惟以荒蓼無任梗絕興

立少頃柩動降就階間主人以下以次從柩哭而降主婦

又次之柩至庭

庭內先設床席以居柩

主人以下於柩東西立哭

丈夫在東婦人在西以服之輕重為序

內外之際障以行帷庭位既定祝

帥執饌者設祖奠於柩東

如故奠

祝以酒奠訖詣饌南北

面跪曰永遷之禮靈辰不留謹奉旋車式遵祖道尚享

興少頃徹饌親賓致賻之禮

其詞曰某人將歸幽宅敢致賻辭畢哭盡哀奠幣於

柩動旌先之主人以下以次從哭柩至柩車設帷帳

於後遂升柩於車內外哭位如在庭之儀乃設遣奠如

祖奠祝奠酒訖少頃徹饌靈車動餘以次設靈車後次

明器輿次下帷輿次米輿次酒脯醢輿次食輿

食器具

次

柩車主人及諸子俱經杖緣服

禿者表巾中皆經

跣哭從丈夫

婦人皆依服輕重為序從哭出門內外尊行者皆乘車

馬哭不絕聲出郭外若親賓還者權停柩車乘者皆下

立哭親賓向柩立哭盡哀卑者再拜而退婦人亦如之

賓既還乘車馬如初靈車至吉帷門外迴南向遂薦常

食於靈座前若食頃徹之

每於停宿之所皆設靈座薦食

柩車至入凶

帷停於西廂南向至宿次內外皆就柩車所主人以下

分東西立哭如初凡停宿薦酒脯之奠於柩車至墓乘

馬者卑行見墳而下尊行及塋而下靈車至帷門外

掌事

者先於墓門內道南張吉帷設靈座薦食迴車南向遂設酒脯之奠柩車至

壙前迴南向哭位如在庭掌事者陳明器於壙東南西

向北上設床席於柩車之後張帷舉柩於席上丈夫柩

東婦人柩西次以憑哭盡哀各退伏位內外卑者再拜

辭訣贊者引主人以下哭於羨道東西面北上妻及女

子哭於羨道西東面北上踊无算

婦人設帷

設席於墳內遂

下柩於墳內席上覆以夷衾遂以下帷張於柩東南向
米酒鋪陳設於帳東北食器設於下帳前醯醢於食器
南藉以板明器設墳內左右主人拜稽顙哭盡哀內外
俱就靈所哭乃祭后土具別儀饌者徹酒脯之奠設靈
車於帷外少頃靈車發行內外從哭如初出墓門尊行
者乘車馬去墓百步許卑行者乃乘靈車至宅內外乘

者皆下行靈車入至西階前迴南向少頃靈車退主人
以下升立哭於靈座東西面南上內外以次升妻及女
子子以下哭於靈座西東面南上祖父以下哭於帷東
南面西上祖母以下哭于帷西南面東上外姻丈夫帷
東北面西上婦人帷西北面東上親賓弔如初弔于
庭者稱痛當柩何哭盡哀主人以下還次沐浴以俟
虞

祭后土

掌事者先於墓左除地為祭所柩車至祝吉服鋪后土

神席北方南向饌者脩饌於其側既復土告者吉服

親以

賓為吉者贊者引告者及祝俱立於神席東南立定俱再拜

掌饌者以饌入設於席位乃出贊者引告者盥手詣神

席前以醴跪奠酒俛伏興少退北向立祝於神座右西

面跪讀祝文曰維某年某月朔日辰姓名敢昭告於后

土之神某人定茲幽宅神其保佑俾無後艱謹以清酌

庶羞明薦於后土之神尚享訖興告者再拜贊者引告

者復位俱再拜以次出少頃乃徹席饌

政和五禮新儀卷二百十九

欽定四庫全書

政和五禮新儀卷二百二十

凶禮

庶人喪儀下

虞

柩既入壙掌事者先歸修虞事具饌於堂東靈車將至
掌事者先施靈座於寢堂室內戶西東向於靈座東南
北設帳東戶既沐浴主人以下內外俱詣靈所主人及

諸子倚杖於靈戶外內外俱哭掌饌者以饌入設於靈座前降出贊者請主人止哭盥手詣靈座前以踐跪奠酒俛伏興少退西向立內外哭止祝進立於靈座右跪讀祝文曰維年月朔日辰孤子某敢昭告於考某人之靈曰日辰遄速奄及反虞叩地號天五情糜潰謹以清酌廢羞表薦虞事於考某人之靈尚享祝興主人哭再拜主人退復位內外哭盡哀主人以下出杖降自西階就次妻妾女子子還別室少頃徹饌闔戶既虞掌事者

改廬翦屏柱楣塗廬不塗見面

哀塗引不塗者

翦蒲為席不緣

以木為枕

小祥

前一日之夕燬廬為堊室設蒲席陳練冠於次主人及諸子俱沐浴具饌於堂東其日夙興祝入拂几筵以出內外縗服主人以下倚杖於階東俱升就位哭盡哀贊者引主人杖就次主婦以下各就次主人及諸子降首經著練冠妻妾女子子除腰經周服者除之丈夫素服

吉巾履婦人素服吉履贊者引主人倚杖如初乃升內
外俱升就位哭設饌如初贊者引主人盥手及奠酒如
初祝進立於靈座右內外止哭祝跪讀祝文曰維年月
朔日辰孤子某母曰敢昭告於某人之靈歲月驚迫奄
及小祥攀慕永遠重增屠裂謹以清酌庶羞祗薦祥事
於考某人之靈尚享餘如虞祭之禮自小祥之後止朝
夕之哭哭無時哀至則哭

大祥

前一日之夕除堊室張帷幄大祥之服於次主人及諸
子沐浴具饌如初其日夙興祝先入拂几筵降出內外
於次哭盡哀掌事者設饌如初內外俱就位哭贊者引
主人盥手奠酒如初祝立於靈座右跪請祝文曰維年
月某朔日辰孤子某母曰哀子敢昭告於考某人之靈日月
逾邁奄及大祥攀慕永遠无任荒踣謹以清酌庶羞祇
薦祥事於考某人之靈尚享餘如小祥之禮主人以下
還外寢妻妾女子子還於寢掌事者除靈座自大祥之

後外無哭者間月而禫

禫

祭前一日之夕掌事者先備禫服陳於別所主人及諸子俱沐浴具饌如初其日夙興祝入設几筵於奧主人及諸子妻妾女子子仍祥服內外俱升就位哭晝夜降釋祥服服禫服興就位哭設饌如初贊者引主人盥手奠酒如初祝立靈座右止哭祝跪讀祝文曰維年月朔日辰孤子某

母曰
哀子

敢昭告於考某人之靈禫制有期追

遠无及謹以清酌庶羞祇薦禫事於考某人之靈尚享如
大祥之禮贊者引主人以下出降自東階還次自禫之
後內無哭者祝收几筵以出

凡父母之喪周而葬者則以葬之後月小祥大祥依

再周之禮禫亦如之若再周而後葬者則以葬之後月
練又後月為大祥祥而即吉無復禫矣其未再周葬則
以二十五練二十六月祥二十七月禫
若再周而未葬則俟以葬而後除服也

聞喪

諸聞喪舉哀者於聞喪所哭盡哀問故又哭盡哀改著
素服子妻妾女子子俱披髮三日成服及廬堊室苦出

薦席變除之節皆如在家之禮惟不設奠祭若除喪而後歸則之墓諸子以下素服待於墓東西向婦人待於墓西東向俱北上歸者素服至於墓南北面哭盡哀再拜又哭盡哀再拜於家不哭凡死於外者小斂而反則子素服衰中帕頭徒跣哭從大斂而反亦如之若先遭重喪後遭輕喪皆為制服往哭則服之反則服之反則服其重服有殯聞遠兄弟之喪哭之他室无他室哭於門內之右

奔喪

奔喪之禮如聞親喪以哭答使者盡哀問故又哭盡哀服布深衣素冠遂行日行百里不以夜惟父母之喪見星而行見星而舍若未得奔則成服而後行至於家內外哭待於堂上奔喪者入門而左升自西階殯東西面憑殯哭盡哀少退再拜退於序東披髮復殯東西面坐哭又盡哀尊卑撫哭如常訖內外各還次奔喪者乃還次未成服者三日成服

若至在小斂前與主人俱成服若小斂以後至者自用日數

賓吊者拜賓如常奔喪者非主人則主人為之拜賓已
葬先之墓北面哭主人以下哭待於墓左右奔喪者盡
哀再拜又於墓東披髮伏位坐哭盡哀贊者告禮畢奔
喪者又再拜遂冠而歸入門而左升自西階靈東西面
憑哭主人以下升哭於堂上如常奔喪者哭盡哀再
拜各就三日成服如儀

婦人奔喪入自閨門升自西階側殯西東面妻妾女子則憑

殯哭盡哀少退再拜退披髮伏位坐哭又盡哀尊卑撫
哭如常子還次不及殯披髮于墓西坐哭盡哀披髮如

常餘如
男子

三殤

三殤之喪始死浴襲大小歛及葬送哭泣之位與成人

同不復死舍辦而葬一虞乃除之其虞祝詞云維年月

朔日辰父告子某

若兄云兄告弟某若弟云弟某昭告某兄

日月易往奄及

反虞悲念相續心焉如燬

兄云悲慟徂至情何可處弟云哀痛死已五情如割今

以

弟祭兄則云謹以

清酌庶羞薦虞事於子某

弟某兄某

魂其饗之

弟祭兄云尚享

改葬

將改葬先於墓所隨地之宜張白布帷幕南向開戶其
日內外諸親皆至墓所各就便次主人以下及妻妾女
子子孫總麻服周親以下素服丈夫於墓東西向婦人
於墓西東向皆北上婦人障以行帷俱立哭盡哀卑者
再拜祝立於墓之南北向內外哭止祝三聲噫嘻啟以
開坎改葬之故內外又哭盡哀權就別所掌事者開坎
訖內外又就位哭如初掌事者設席於墓下舉柩出置
於席上內外俱從哭於墓所分東西位如常儀祝以功布

拭棺掌饌者設饌於柩南主人盥手以踐跪奠酒訖再拜少頃徹奠進柩車於帷門外南向升柩於車遂詣墓所內外俱哭掌事者先設床於墓下有祝席柩車至帷門外丈夫柩東婦人柩西俱立哭掌事者舉柩降置於席入設於床東

若於墓所即歛如初奠訖不進在車止設床於柩東而加枕席遂舉尸收歛

舉尸出置於床南首遂殯如大歛之儀

加明衣案不殯

設靈座


於吉帷內幕下西廂東向

施床帷屏服飾以時上飲膳及沐浴如平生

及葬

將引柩告曰以今吉辰即用宅兆不設祖奠無反哭餘

如常儀既葬就吉惟靈座一虞乃徹之其虞祝詞云維
年月某朔日辰孝子某敢昭告於考某人之靈改遷幽
宅禮畢終虞夙夜匪寧啼號罔極謹以清酌庶羞祇薦
事於考某人之靈尚享訖釋總服及素服而還



政和五禮新儀卷二百二十